



Na osnovu člana 40. Zakona o javnim preduzećima u Federaciji Bosne i Hercegovine („Sl. novine Federacije BiH“ broj: 8/05, 81/08 i 22/09), člana 57. tačka 5. Statuta Javnog preduzeća Elektroprivreda Bosne i Hercegovine d.d.- Sarajevo (prečišćen tekst), broj: SD-1067/11 -19/3.b) od 09.03.2011. godine, Statuta o izmjenama i dopunama Statuta Javnog preduzeća Elektroprivreda Bosne i Hercegovine d.d. - Sarajevo, broj: SD-28363/11-23/2 od 24.11.2011. godine i Statuta o dopunama Statuta broj: SD-7863/12-25/2. od 20.04.2012. godine, a na prijedlog Uprave Društva o raspodjeli dobiti, broj: U-01-14960/14-164./9. od 13.05.2014. godine i uz Mišljenje Nadzornog odbora, broj: NO-16205/14-39/3.4. od 29.05.2014. godine i Mišljenje Odbora za reviziju, broj: 43/OR/14 od 15.05.2014. godine, Trideset i druga Skupština Javnog preduzeća Elektroprivreda Bosne i Hercegovine d.d. - Sarajevo, održana 26.06.2014. godine, donijela je

ODLUKU
o raspodjeli dobiti za 2013. godinu

Član 1.

Dobit Javnog preduzeća Elektroprivreda Bosne i Hercegovine d.d. - Sarajevo (u daljem tekstu: Društvo), koja je utvrđena u revidiranim finansijskim izvještajima za 2013. godinu u iznosu od 37.044.336,47 KM, raspoređuje se:

R/b	OPIS	IZNOS
1.	Fond rezervi	7.408.867,29 KM
2.	Za isplatu dividendi dioničarima	2.578.528,10 KM
3.	Za investicije	27.056.941,08 KM
UKUPNO		37.044.336,47 KM

Član 2.

Dividenda se isplaćuje dioničarima koji na dan donošenja ove Odluke budu evidentirani na listi dioničara kod Registra vrijednosnih papira u Federaciji BiH i to proporcionalno njihovom učešću u kapitalu Društva, odnosno u visini 0,0849475111804 KM po dionici.

Član 3.

Dividenda se uplaćuje dioničarima na njihove račune, otvorene kod poslovnih banaka.

Dioničari koji imaju pravo na dividendu, a koji to pravo ostvaruju prvi put, kao i dioničari kod kojih je došlo do promjene računa, dužni su u roku od 30 dana od dana objavljivanja Obavještenja o isplati dividende na web stranici Društva, odnosno, u jednim dnevnim novinama u BiH, dostaviti Društvu broj svog računa kod poslovne banke za uplatu dividende.

Dioničarima kojima je isplaćivana dividenda po osnovu rezultata poslovanja za ranije godine, a koji u roku iz stava 2. ovog člana ne dostave račune za uplatu dividende ili izmjenu računa, isplata dividende će se izvršiti na račune na koje je ranije izvršena uplata dividende.

Dioničarima kojima se prvi put isplaćuje dividenda, a koji ne dostave račune za uplatu dividende u roku iz stava 2. ovog člana, Društvo neće biti u mogućnosti izvršiti uplatu dividende do dostavljanja računa.

U slučaju nedostavljanja računa za uplatu dividende, dioničari nemaju pravo potraživanja po osnovu kamate ili bilo koje druge naknade za period u kojem su sredstva bila na računima Društva.

Član 4.

Dividenda će se isplatiti u roku od 180 dana od dana donošenja ove Odluke.

Nakon isteka roka od 180 dana, dioničarima koji nisu dostavili račun za uplatu dividende u roku iz člana 3. stav 2. ove Odluke, isplata dividende će se izvršiti u roku od 30 dana od dostavljanja računa za uplatu dividende.

Član 5.

Za realizaciju ove Odluke zadužuje se Uprava Društva.

Član 6.

Obavještenje o isplati dividende objaviće se na web stranici Društva i u jednim dnevnim novinama u BiH u roku od sedam (7) dana od dana donošenja ove Odluke na Skupštini Društva.

Član 7.

Odluka stupa na snagu danom donošenja.

Broj: SD - 16205 /14 -32/ 3.
Sarajevo, 26.06.2014. godine

Predsjednik
Skupštine Društva

Jasmina Pašić

